

任俠傳

事值危疑震撼之秋而勇於直任必求濟乃已者義而已矣豈若子長游俠傳睚眦報怨不論是非以自取戾哉茲列任俠蓋以別於游俠云

楊白字采之儻權奇而守正不動村隅有神叢常爲崇里人惑之白曰天下安有正神而爲是耶遂斧以歸作伐木記以釋衆心嘉慶初土匪劫掠不能禁請於當事倡練九圍得無虞又嘗施棺以數百計倡修迴龍庵左右橋白巖橋梁建設茶亭凡屬義舉無不勇爲先是相者謂不永年至是七十有五歲考終于光緒光緒光緒皆游庠紹有傳見文學

易服周客滇以任俠名爲騾馬客長有健兒馬剛劫人於市官不能治或械繫獄出入如常乃陰遣獄吏與交好叩所畏曰易服周義士也吾不敢負官諭服周至令具保狀固未嘗相識者慨然允之馬出果改行事之維謹偶盛怒呼服周至輒解二十餘年竟無所犯後歸黔壽終於家

周見多字吉三祖母楊氏以節著見多生有幹濟才居鄉仗義急公尤善排解嘗謂惟公與廉且知事三美具事無不平者咸豐四年粵逆陷常德客艘數十泝流上沿途土匪利其有尾至銅灣聚衆千餘客艘亦數百人勢洶洶不可支市爲之空滿下二鼓署汛把總劉某急謀於見多曰事危矣奈何笑云易耳得主者立刻散矣劉大悟趣惡少十數輩至周爲開陳禍福聲色俱厲皆相顧愕然拜不能起周曰速爲計勿貽後悔始泣謝去天甫曙市人歡聲如雷告以賊不知所往其能應變類如此把總暨邑紳上其事於

方太守至今豔傳之

楊興模字楷廷性孝友幼貧廢讀操遷引術獨力養親爲兩兄成立室家又皆早逝並撫其孤尤以氣誼見重於時文士過門典衣款洽有求輒百計取足務慰其意乃已道光末辰邑米姓與其族人
有微隙無賴者遽結黨相仇殺數年間各斃數十人官吏莫能誰何道路洶洶謂事且不測知縣張佐清訪知模召往授意乃以一騎劇旋兩邑間所在開示皆唯唯折服禍卒解其他釋紛息競常爲鄉里倚重子丙煥邑增生

按人物各傳俱據舊冊新採核實錄存就地因人善無妨於節取周諮博訪論必衷諸大公視舊志取舍略同詳略自別識者辨之